


Dienelkander



Nuusbrief van die Gereformeerde Kerk Potchefstroom-Oos

22 Mei 2016

OGGENDDIENS: Ds. Piet

Skriflesing: Efesiërs 5: 21 - 33

Tema: God se plan vir liefdevolle en gelukkige huwelike.

Die huwelik as instelling van God waarbinne man en vrou liefdevol en gelukkig saam kan leef, staan in ons samelewing op wankelende bene. Die rede hiervoor lê nie in God se ontwerpplan van die huwelik nie, maar in mense se uitvoering van daardie plan. En hierin speel die sondige natuur van die mens 'n geweldige rol. Reeds met die sondeval in die paradys is die huwelik skeefgetrek en tot vandag toe word God se plan nie gevolg nie. Die gevolge hiervan in ons samelewing is skrikwekkend en tragies.

Waar man en vrou egter in Christus aan mekaar onderdanig is, onder die heerskappy van Jesus leef, daar ontvou God se plan wat die huwelik 'n wonderlike ruimte maak waar man en vrou hulleself voluit kan uitleef met liefde en geluk.

Lofprysing ter voorbereiding van die erediens

Lied 200: 1, 3 en Lied 530: 1, 2, 3

Ontmoetingsdiens

Intreelied: Lied 163: 1; Votum; Seën;
Loflied Psalm 128-1: Beurtsang: 1,(almal), 2 (srs), 3 (brs), 4 (almal); Geloofsbelydenis:
12 Artikels - interaktief

Verootmoedigingsdiens

Wet uit Hosea 2: 1 - 22; Sing skuldbelydenis uit Sb 9-3: 1; Vryspraak uit Jes. 44: 21-23; Gebed

Woorddiens

Skriflesing; Sing Sb 15-2: 2,3 (Mel: Ps 18 se eerste mel); Woordverkondiging

Antwoorddiens

Gebed; Liefdegawes; Bevestig diaken;
Sing Ps 134-2: 2; Slotsang: Sb 9-4: 4, 5; Seën; Amenlied Sb 13-3.

GROEPBEDIENING

Daar vergader ook 'n groep by die kerkgebou om die week se Fokus te behandel onder leiding van ds. Piet. Hulle kom om 17:00 bymekaar. Bring asseblief jou Bybel en Psalmboek saam.

MEELEWING

- Fanie Bezuidenhout is oorlede en word op 31 Mei uit ons gemeente begrawe.
- Francois de Villiers (snr) (Groep 12 - 084 093 8001) is tans besig is met mediese toetse. Hy het 'n mantelvliesbreuk en vergrote hart en sal eersdaags 'n operasie ondergaan.
- Dirkie Coetzee (Groep 10 - 018 290 8771) het mooi herstel en sterk nou tuis aan.
- June Kruger, wat tot onlangs nog lidmaat by ons was, het 'n knievervanging in

Medikliniek ondergaan en sal daar wees tot Maandag waarna sy vir twee weke in MooiMed se Multisorgafdeling sal aansterk. Vriende kan gerus vir haar gaan kuier.

- Nettie van't Wout, 'n oud-lidmaat, is die afgelope week oorlede en word Dinsdag om 11:00 uit ons kerk begrawe.

Ons bid dat die Here spoedig beterskap, herstel en troos sal gee.

**ONS VRA VOORBIDDING VIR DIE
VOLGENDE LIDMATE WAT SUKKELE
MET SIEKTE OF SWAK GESONDHEID**

Srs Marianne Kruger, Bettie Ras, Janet vd Walt, Hester Buys, brs. Isak vd Walt en Tjaart Snyman.

BAIE GELUK

Michiel en Marian de Kock het die afgelope week 'n eerste kleinseun ryker geword. Mag klein Michiel vir julle baie vreugde en liefde bring.

ONDERSTEUNING VIR SIEKES

Vir ondersteuning of besoeke deur die hospitaalbesoek-diensgroep, skakel hierdie week vir: siekes@oosdoppers.co.za of Hendrik vd Walt 073 520 8783.

AFKONDIGINGS

Vandag

9:00 Gebedsgroep

09:30 Oggenddiens

Kleuterbediening

Katkisasie Les 13

Tee en Koffie

17:00 Groepbediening by kerk en in ander groepe soos gereël

Maandag

18:00 Oosdopperfees

18:30 Volwasse kategese

Dinsdag

Vleiswerk

06:00 Manne ondersteuningsgroep

Woensdag

Vleiswerk

16:30 Katkisasie Gr. 9

17:15 Katkisasie Gr. 10

17:15 Katkisasie Gr. 11

18:00 Katkisasie Gr. 8

Donderdag

Vleiswerk

Vrydag

Vleiswerk

Saterdag

Lekker Oosdopperfees!!

VERJAARSDAE

Baie geluk aan almal wat DV hierdie week verjaar!

Sondag, 22 Mei

Br Fanus Kruger

082 745 8259

Sr Nicolene Lubbe

082 877 2927

Jsr Lehani Vorster

084 505 5010

Maandag, 23 Mei

Br Floris Lombard

084 582 9422

Dinsdag, 24 Mei

Sr Janneke Hattingh

072 808 6357

Br Thomas Nel

083 577 4766

Sr Belinda Venter

061 414 9059

Woensdag, 25 Mei

Br Michael Booyens

074 647 7452

Donderdag, 26 Mei

Sr Hannelie Bartlett

074 270 1165

Sr Elsa Grove

018 290 5543

Sr Hannelie Pieters

082 740 3530

Vrydag, 27 Mei

Sr Elize Schutte

082 444 2102

Saterdag, 28 Mei

Sr Mariska v Greuning


084 506 6214

ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Koningskinders.
- Gawe volgende Sondag vir die Teol. studentekas.
- Vrywillige bydrae vir voertuigsekuriteit in die bussies by die deure.
- Diensbeurte: Groep 29 en 30
- Ds Karel is met verlof tot 13 Junie.

FOKUSTYD 2016

Gesinne is kosbare gawes in diens van die Here



Ons jaarlikse fokustyd het begin en duur tot met Nagmaal op 12 Junie. Ons fokus vanjaar op die wyse hoe God gesinne in sy diens gebruik. Die gemeente is egter ook 'n gesin en ons fokus ook op die wyse waarop ons hier in die gemeente as geestelike gesin

saamleef. Daarom moet enklidmate nie voel dat hulle uit die tema uitgesluit word nie. Elke lidmaat is 'n belangrike gesinslid en ons bede is dat almal saam in die Woord en in gebed sal verdiep.

Die volgende temas lê nog voor:

Week 3: Die gemeente as 'n huisgesin

Week 4: Gesinne is 'n plek waar daar van die verlossingdade van die Here vertel word

Week 5: Gesinne is 'n ruimte waarin daar getuienisse na buite gelewer word

PRAKTIESE UITLEEF VAN ONS

FOKUSTYD: BIBLES FOR BELIEVERS

Ek het die volgende epos van Bibles for Believers ontvang:

“Ds Piet en Gemeente,

Ons leef in opwindende tye met baie uitdagings vir die kerk van Jesus Christus en vir God se kinders. Te midde van situasies soos wat ons verlede jaar in Oktober in Kigali, die hoofstad van Rwanda, teengekom het dat

daar nie Bybels was om vir die kerke daar te koop nie omdat 'n ander geloofsgroep al die Bybels van die plaaslike Bybelgenootskap opkoop en tydens rituele verbrand, ervaar ons dat God steeds in beheer is en Sy Kerk onderhou en uitbou.

God het die afgelope aantal maande weer verskeie nuwe deure vir Die Harvesters Familie van Bedieninge oopgemaak - nuwe kerke word voortdurend geplant en leraars van hierdie nuwe gemeentes word opgelei. Lees gerus meer hieroor op die webblad www.harvestersministries.com of op die Facebook-bladsy.

Ons ontvang voortdurend wonderlike getuienisse van mense wat vir die eerste keer 'n eie Bybel ontvang. Die opleiding van leraars waar daar kerke geplant word, bly steeds prioriteit en daar is tans meer as 25 000 leraars in verskeie lande in opleiding. Tydens een van hierdie opleiding-sessies in die Chimoio-omgewing in Mosambiek, het een van die senior opleiers, Francois Rauch, 'n hubleier ontmoet wat reeds 42 kerke in sy eie omgewing geplant het. Daarby word daar steeds gereeld Bybels voorsien aan arm Christene wat nie 'n eie Bybel kan bekostig nie. Kyk gerus na die video-materiaal en getuienisse in die onderste skakel, wat tydens die Bybelplasing gedurende Oktober in die suide van Malawi geneem is. Soveel vreugde wanneer iemand wat Christus ken, 'n Bybel ontvang!

<https://www.youtube.com/watch?v=5tl7Lpx6DaU>

Die nood vir Bybels bly egter steeds so groot! In Malawi alleenlik, is daar by die kerke wat gedurende die afgelope 16 jaar geplant is, 'n onmiddellike tekort van meer as 100 000 Bybels. Ons probeer die behoefte aanspreek en daag julle uit om ons te help om voor 10 Junie ten minste 3000 Bybels te voorsien, wat dan voor einde Junie by leraars en kerke in Malawi afgelewer sal word. Aangeheg is 'n inligtingstuk met meer inligting hieroor, asook 'n terugvoervorm. Dit is 'n wonderlike projek

om jul Kerkraad, Jeugaksie, Sondagskool of enige ander belangstellendes die geleentheid te gee om in God se Koninkryk te saai en 'n verskil in 'n medegelowige se lewe te maak. Die koste van 'n boks Bybels is ongeveer R3000. Raak gerus betrokke!

Ons hoor dan graag of jul gemeente hierdie uitdaging aanvaar om te help dat God se kosbare Woord by sy kinders uitkom en lewens tot Sy eer getransformeer kan word.

Groete,
André Jooste”

Kom ons gebruik ook hierdie fokustyd om 'n geweldige verskil in gelowiges se lewe te maak wat nog nie 'n Bybel het nie en ondersteun die projek! Ons versoek groepe en individuele lidmate om tydens die Fokustyd geld bymekaar te sit en dan bring ons dit met Nagmaal (afsluiting van Fokustyd) saam erediens toe om dit af te dra.

GOD AAN DIE WERK IN EGIPTE!

Ek het die onderstaande e-pos van dr Flip Buys ontvang wat opgewonde vertel van die werk wat die Here in Egipte doen. Ds Piet.

“Mense,mense!! Ek wil julle iets vertel van waar ek nou is. Ek het so pas in Kairo aangekom. My asem slaan weg om te sien en te hoor wat die Here tans hier doen. Een van my PhD studente wat reeds jare lank in verskillende Afrikalande evangelisasie, kerkplanting en elementêre teologiese opleiding doen, het begin met 'n Missiologie PhD proefskrif. Sy titel is: *Theological Education in a missio Dei perspective in Africa. A theological evaluation of the Wheels for God model.* Hy het my gevra om hier in Kairo saam met sy ondersteuners uit die VSA, Egipte en Duitsland vir 'n paar dae saam te kom dink oor hoe om so vinnig moontlik meer predikante opgelei te kry vir skares Moslem bekeerlinge uit Noord-Afrikaanse lande.

Ons is tuis by 'n kerk sentrum buite die stad in Kairo (hulle het die sentrum hier in 'n buurt opgerig wat stil en buite die polisie se oë is en

hulle werk vertroulik kan hou. Hulle het ons ook gevra om tog nie op enige sosiale media van hulle werk te praat nie.) Hulle het reeds hier 'n top kwaliteit TV ateljee en internet gebaseerde radiostasie tot stand gebring wat in Arabies uitsaai en 350 miljoen mense in al die lande in Noord-Afrika, die Middellandse see gebied en selfs Europa bereik. Hulle kry getuienis terug van 55 000 mense wat jaarliks tot bekering kom.

Hulle het reeds met 'n afstandsonderrig gebaseerde Bybelskool begin wat 450 ingeskrewe studente het. Benewens hulle internet klasse en werkstukke kom groepe van al hierdie lande 'n paar keer per jaar vir 2 weke na hierdie sentrum toe vir kontak opleiding.

Ons gaan nou tot Maandag toe vergader en hoor wat aan die gebeur is en dan saam bid en praat oor hoe om die predikante opleiding uit te brei.

Kom ons bid vir hierdie werk.”

OOSDOPPERFEES - 28 Mei

**LYSTE IS VANDAG IN DIE
VOORPORTAAL VAN DIE SKUUR!
Jou geleentheid om betrokke te raak!
**SKRYF JOU NAAM WAAR JY GAAN
HELP MET DIE OOSDOPPERFEES!****

Die komitee is hard aan die beplan vir ons jaarlikse Oosdopperfees! Ons hou hierdie jaar **Boeresport, bespreek by Gerrie van Deventer 083 450 2518** en nooi groepe om hiervoor in te skryf en deel te neem, of skryf jou naam op die lys in die voorportaal. Kom ons kyk watter groep stap met die louere weg!! (Kruiswa-stoot, donkie se stert, 3-been resies, reuksakkies, sakresies, tou-trek, aartappel-resies en langasem)

Genoeg **HULP** is 'n noodsaaklike vir ons om die Fees op geoliede wiele te laat loop en doen ons 'n beroep op u om die 28ste Mei oop te hou vir die oggend. Jy kan dus lekker saamwerk by al die verskillende afdelings en

terselfde tyd ook lekker ondersteun sodat jy nie met leë hande by die huis kom nie.

Poedingtafel

Ons benodig nog baie poedings vir die Poedingtafel. Gebakte of koue poedings, enige iets is welkom. Ons benodig ook nog hulp Saterdagoggend. Baie dankie vir die bydraes wat reeds belowe is.
Kontak Lynette 083 321 6378.

Ons herinner u ook graag aan ons **Dankbaarheidsvorms waar jy geleentheid het om produkte by te dra. Hierdie lyste help ons met ons beplanning oor hoeveel produkte ons moet aankoop. Vul dus gerus die vorm in sodat ons beplanning meer akkuraat kan wees.**

SYFERFONTEIN

Ons benodig lidmate wat bereid is om een uur per week tydens studietyd kinders in Ikageng met Wiskunde, Natuurwetenskappe en Sosialewetenskappe te help. Kontak: Carina Coetsee - 078 011 2050 of Johan Dunn - 082 890 3051 indien u bereid is om hier betrokke te raak.

KOMBERS-PROJEK

Ons maak hierdie jaar enkelbed-komberse bymekaar vir Huis Hebron. Die kampers wat die afgelope gemeente-kamp bygewoon het, daag groepe uit om hulle 12 skenkings van komberse te verbeter! Baie dankie vir groep 37 wat reeds die uitdaging aanvaar en reeds 5 komberse geskenk het. Afsluitingsdatum is 31 Mei. Houer vir komberse / kontant in voorportaal.

Vir inligting kontak:

Corrie du Plessis (072 909 0715) of

Anna Smith (082 765 9813)

KENNISGEWINGBORD

- Cachet Skoolverlaterskamp 3-8 Julie

BEROEPE NUUS

BEROEP ONTVANG

- Ds MJ Lourens (Thys) van Middelburg KP na Vaalpark.

BEROEP AANVAAR

- Ds C Jooste (Christiaan) van Wonderboompoort na Waterberg.

BEROEPBAARSTELLING

Die volgende proponente is beroepbaar gestel:

- Jaco Cronje
- Reghard Janse van Rensburg

SOSIALE MEDIA VIR ONS GEMEENTE

Webblad: www.oosdoppers.co.za

Facebook:

www.facebook.com/oosdoppers

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.



Karel se preke kan ook aanlyn besigtig word by

<http://karelsteyn.blogspot.co.za/>



KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690



TEESKINKGELEENTHEID

Tee word vandag in die Skuur bedien onder die leiding van Marinda Riekert (groep 15), Chanelle van As (groep 16) en Odelia Venter (groep 28).

Volgende week skink die volgende groepe: Estelle v Hamburg (groep 18), Elize Schutte (groep 19) en Shantell Andersen (groep 30) tee.



Baie dankie aan die groepsusters en hulle groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE



Die susters se fondse word verkry uit elke suster se vrywillige bydrae (R150 per jaar) en die fondse wat geïen word tydens fondsinsamelingsgeleenthede. Hierdie geld word gebruik om uit te reik na minderbevoorregtes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

KWARTAALPROGRAM

DATUM	DAG	TYD	WIE	WAT
23-27 Mei	Maan-Vry	13:00 en 18:00	Naamlys	Oosdopperfees - Vleiswerk - etes
28-Mei	Saterdag	09:00	Almal	Oosdopperfees
05-Jun	Sondag	19:00	Blok C	Ouderlingevergadering - verversings
12-Jun	Sondag	12:00	Blok D	Nagmaal & ete
14-Jun	Dinsdag	19:00	Blok A	Sustersamekoms

BAIE DANKIE AAN ONS BORG VAN DIE WEEK!

HUIZEMARK[•] EIENDOMSAGENTSAP

**ONS HET VOORDUREND POSTE BESKIKBAAR
VIR AGENTE EN BEMARKERS**

ONS DOEN :
Verkope & Verhurings

- * Huise, * Woonstelle,
- * Meenthuise,
- * Besigheidspersonele,
- * Plase, * Plotte




**VIR ALLE
EIENDOMSBEHOEFTE
SKAKEL**

Rolene vd Walt

082 859 6209

Linda Nolte

082 785 3951



OOSDOPPERTJIE-NUUS

NUUS UIT DIE BYBELKOERANT

SEUN VERMIS; DALK PROOI VAN ROOFDIER



HEBRON. - 'n Sewentienjarige seun Josef, het vandeeweek vermis geraak toe hy na sy broers se welstand gaan verneem het waar hulle hulle pa, Jakob se kleinvee oppas. Die broers het sy bloedbevlekte klere in die veld gekry en dit na hulle pa gestuur, klaarblyklik te ontsteld oor hulle broer om self die hartseer tyding aan hulle pa oor te dra. 'n Slaaf het gister met die kleed hier aangekom.

Jakob is ontroosbaar en wou ons nie te woord staan nie. Die aanskoue van die klere was glo vir hom besonder traumaties, aangesien hy die klere nog spesiaal vir sy seun se sewentiende verjaarsdag laat maak het. Dit is algemeen bekend dat Jakob 'n baie sagte plekkie vir Josef gehad het. Hy was die oudste seun van Jakob se lieflingsvrou, Ragel, wat hom enkele jare gelede ontval het met die geboorte van haar tweede seun, Benjamin.

Josef is verlede week hiervandaan na Sigem toe om sy broers te soek. Die laaste persoon wat hom lewend gesien het, was 'n boer van Sigem, wat vir hom vertel het dat sy broers met die pad na Dotan getrek het. Hy het egter nooit in Dotan aangekom nie.

Intussen het ons verneem dat die boere in die omgewing van Dotan 'n ekspedisie gereël het om die roofdier, vermoedelik 'n leeu, vankant te maak.

"As hy een kind kon vang, sal hy dit weer doen, en dit kan ons nie toelaat nie. Hy moet dood," het hulle gesê.

Lees hiervan in Genesis 37:12-36.

OOSDOPPER *fees*

28 Mei 2016

Gereformeerde Kerk, Potchefstroom-Oos
Parysplaan / Rocherstraat 75, Bailliepark

Program

- 8:00** Boere-ontbyt en Pannekoek
9:00 Opening
10:00 Trompoppievertoning van Woel-en-Werskaf
12:30 Troeteldierskou

Smul

Koeldrank • Koffie & Tee • Sosaties • Mini-Doughnuts
Kerrie-en-rys • Aartappelkrulle • Basaar-poeding
Boereworsrolle • Jaffels • Vetkoek & maalvleis

Ondersteun

Vleisverkoop • Handelshuis • Uitstallers
Wit-Olifanttafel • Boeke-Oase

Geniet

Boeresport, Jeugaktiwiteite, Kindertafel & Springkasteel

KREDIETKAART-FASILITEITE BESKIKBAAR